

REGLUGERÐ**um fasteignaskatt í Árneshreppi, Strandasýslu.**

Fasteignaskatt í Árneshreppi, skal innheimta með 200% álagi eins og hann er ákveðinn í 3. gr. laga nr. 69/1962.

Reglugerð þessi staðfestist hér með samkvæmt lögum nr. 69/1962, 5. gr., sbr. 3. gr., til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 21. janúar 1963.

Gunnar Thoroddsen.

Hallgrímur Dalberg.

Nr. 14.

21. janúar.

AUGLÝSING**um skipulag í Djúpárhreppi, Rangárvallasýslu.**

Eftir beiðni hreppsnefndar Djúpárhrepps í Rangárvallasýslu og tillögu Skipulagsstjóra ríkisins, hefur ráðuneytið samkvæmt heimild í 17. gr. laga nr. 55/1921, ákveðið, að lög nr. 55/1921 skuli framvegis taka til byggðarinnar í Þykkvabæ í Djúpárhreppi.

Þetta er hér með birt til eftirbreytni öllum þeim, sem hlut eiga að máli.

Félagsmálaráðuneytið, 21. janúar 1963.

Emil Jónsson.

Hallgrímur Dalberg.

Nr. 15.

23. janúar.

REGLUGERÐ**fyrir vatnsveitu Súðavíkurhrepps.****1. gr.**

Hreppsnefnd hefur einkaleyfi til reksturs vatnsveitu og sölu vatns á því svæði, er vatnsveitan nær yfir og hún getur fullnægt.

2. gr.

Hreppsnefnd hefur þegar lagt stofnæð um þorpið, samkvæmt skipulagsuppdætti, og annast lagningu æða þaðan að húsum í þorpinu.

3. gr.

Hreppsnefnd hefur yfirumsjón með vatnsveitukerfi hreppsins, en heimilt er henni að ráða umsjónarmann og innheimtumann, er hafi á hendi eftirlit með vatnsveitukerfinu og innheimtu á gjöldum, samkvæmt erindisbréfi, er hreppsnefnd setur

honum. Hreppsnefnd og umsjónarmanni vatnsveitunnar er heimilt að fara í hús manna, þar sem vatnsæðar liggja, til athugunar á vatnslögninni og eftirlits með vatnsnotkun.

4. gr.

Hver sá, sem vill komast í samband við vatnsveitu Súðavíkur, skal senda hreppsnefnd skriflega umsókn þar um.

5. gr.

Skylt er húseigendum að halda vatnsæðum sínum vel við. Skal sérstaklega gæta þess, að ekki frjósi í þeim. Ef hreppsnefnd eða umsjónarmanni vatnsveitunnar þykir í einhverju ábótavant, skal húseigandi tafarlaust bæta úr því, ella geri hreppsnefnd það á hans kostnað.

6. gr.

Hreppsnefnd getur fyrirskipað takmörkun á vatnsnotkun, ef skortur er á vatni, þá getur hún lokað fyrir vatnið, þegar þarf vegna hreinsunar á vatnsgeymum eða viðgerðar á vatnsæðum og tengingu á heimæðum. Slík lokun skal tilkynnt fyrirfram, ef tök eru á. Fullan vatnsskatt ber að greiða, þótt slík lokun fari fram.

7. gr.

Hreppsnefnd er heimilt að loka fyrir vatnið hjá þeim, sem eftir ítrekaða áminningu eyða vatni að óþörfu, eða vanrækja að gera við bilanir á leiðslum sínum, svo og ef þeir hafa vatnsveitum sínum þannig fyrir komið, að óþrif hljótist af, eða greiða ekki vatnsskatt á réttum gjalddaga.

8. gr.

Skylt er hverjum manni að láta af hendi land og landsafnot í þarfir vatnsveitunnar, svo og mannvirki, og þola þær eignakvaðir, óhagræði og takmarkanir á afnotarétti, sem vatnsveitan kann að hafa í för með sér, enda komi fullar bætur fyrir samkvæmt mati, ef ekki næst samkomulag.

9. gr.

Hver sá, sem skemmir eða saurgar vatnsæðar vatnsveitunnar, geymana eða önnur mannvirki, skal greiða fullar bætur fyrir samkvæmt mati tveggja dómkvaddra manna, og sæta sektum, nema þyngri refsing liggi við að lögum.

10. gr.

Hver sá, sem fær tengt við vatnsveitu Súðavíkur, skal greiða tengigjald kr. 500.00 og 2% af fasteignamati húsa og tilheyrandi lóða.

Af öllum íbúðarhúsum í Súðavíkarkauptúni, sem vatn nota, skal greiða vatnsskatt kr. 400.00 á ári og 1.5% af fasteignamati húsa og tilheyrandi lóða. Auk þess skal greiða kr. 400.00 á ári fyrir hverja íbúð, sem búið er í umfram eina í hverju húsi.

11. gr.

Fyrir önnur vatnsnot skal greiða vatnsskatt sem hér segir:

1. Af hverju tonni af mjóli í verksmiðju kr. 8.00.
2. Af hverri smálest af innvegnum fiski í fiskiðjuver kr. 2.00.
3. Fyrir saltfiskþvott kr. 0.50 á smálest hverja af fiski.
4. Af hverri bifreið í Súðavík kr. 100.00, enda sé rennandi vatn á þvottastæði fyrir bifreiðar, a. m. k. yfir sumarmánuðina.
5. Af hverri tunnu saltaðrar sildar kr. 1.00
6. Fyrir hverja frysta sildartunnu — 1.00
7. Fyrir hvern kjötskrokk — 0.50
8. Fyrir krana utanhúss og í peningshúsum — 50.00 árlega.
9. Fyrir vatn í steypu af hverri sementstunnu — 0.50

12. gr.

Þegar um fyrirtæki er að ræða, sem nota mikið vatn, s. s. fiskvinnslustöðvar o. fl., getur hreppsnefnd ákveðið að selja vatn um mæli og skal þá greiða kr. 1.00 fyrir smálest. Þegar ákveðið hefur verið að selja vatn um mæli, skal hreppsnefnd útvega mæli og koma honum fyrir, en hlutaðeigandi notandi annast sjálfur viðhald hans. Vanræki vatnsnotandi viðhald mælisins, skal vatnsgjald reiknað þann tíma, sem mælirinn er í ófullkomnu lagi, eftir þeirri vatnseyðslu, sem mest hefur orðið hjá hlutaðeigandi notanda næsta ár á undan, miðað við einn ársfjórðung.

Fyrir vatnsnot, svo sem í beitingahús o. fl., skal greiða gjald eftir samkomu-lagi við hreppsnefnd.

13. gr.

Húseigandi ber ábyrgð á greiðslu vatnsskatts húsa. Atvinnurekandi, útgerðar-maður eða útflytjandi ber ábyrgð gagnvart vatnsveitunni á greiðslu vatnsskatts af síld og öðrum fiski. Eigandi framleiðslustöðvar ber ábyrgð á, að vatnsskattur af vatnsskattsskyldri framleiðslu eða verkun á stöð hans sé greiddur á gjalddaga.

14. gr.

Fyrir vatn til skipa greiðist kr. 15.00 fyrir hverja smálest, en minnst gjald skal þó vera kr. 35.00 fyrir fiskiskip og kr. 60.00 fyrir önnur skip.

Hreppsnefnd er heimilt að ákveða að hafnarbryggja Súðavíkur greiði vatns-veitunni ákveðna upphæð á ári í vatnsskatt eftir ákvörðun hreppsnefndar, enda hafi bryggjan tekjur af vatnssölu þeirri er fram fer á bryggjunni, að undanskildum fram-leiðslugjöldum af sjávarafurðum, sem um ræðir í 11. gr. þessarar reglugerðar.

15. gr.

Reikningsár vatnsveitunnar er almanaksárið. Reikningar vatnsveitunnar skulu fylgja hreppsreikningum og endurskoðast ásamt þeim. Gjalddagi vatnsskatts er 1. apríl ár hvert og greiðist vatnsskatturinn í einu lagi fyrir líðandi ár. Þó skal inn-heimta ársfjórðungslega vatnsskatt hjá framleiðslustöðvum. Vatnsskatt má taka lög-taki í hinu skattskylda húsi eða atvinnufyrirtæki, án tillits til eigendaskipta. Skatt-urinn nýtur lögveðsréttar í eigninni næstu tvö ár eftir gjalddaga með forgangsveði fyrir hvers konar samningsveði og aðfararveði.

16. gr.

Heimilt er hreppsnefnd að hækka eða lækka vatnsskattinn um allt að 50% fyrir eitt ár í senn.

17. gr.

Brot gegn reglugerð þessari varða sektum allt að kr. 1500.00, nema þyngri refsing liggi við að lögum.

Reglugerð þessi, sem samín er og samþykkt af hreppsnefnd Súðavíkurhrepps, staðfestist hér með samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 23. janúar 1963.

F. h. r.

Hallgrímur Dalberg.

Jón S. Ólafsson.